

Կ Ա Ր Գ

ԷՆԵՐԳԵՏԻԿԱՅԻ ԲՆԱԳԱՎԱՌԻ ԼԻՑԵՆԶԱՎՈՐՎԱԾ ԱՆՁԱՆՑ ՄԻՋԵՎ ԿՆՔՎԱԾ ԵՎ ԷԼԵԿՏՐԱԿԱՆ ԷՆԵՐԳԻԱՅԻ ՈՒ ԲՆԱԿԱՆ ԳԱԶԻ ՆԵՐԿՐՄԱՆ ԵՎ ԱՐՏԱՀԱՆՄԱՆ ՊԱՅՄԱՆԱԳՐԵՐԻ ԳՐԱՆՑՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում է էներգետիկայի բնագավառի լիցենզավորված անձանց միջև կնքված էլեկտրական էներգիայի (իզոլորության), ջերմային էներգիայի, բնական գազի մատակարարման և ծառայությունների մատուցման, էլեկտրական էներգիայի ու բնական գազի ներկրման և արտահանման պայմանագրերի (այսուհետ՝ պայմանագիր)՝ Հայաստանի Հանրապետության հանրային ծառայությունները կարգավորող հանձնաժողովում (այսուհետ՝ հանձնաժողով) գրանցման ընթացակարգը:

2. Սույն կարգը չի կանոնակարգում պետական գաղտնիք պարունակող կամ լիցենզավորված անձի կողմից որպես «ընկերությանը վերաբերող գաղտնապահական տեղեկատվություն» նշված պայմանագրերի գրանցման ընթացակարգը:

3. Պայմանագիրն ուժի մեջ է մտնում հանձնաժողովում գրանցվելու պահից:

4. Հանձնաժողովում գրանցման ենթակա չէ էներգետիկայի բնագավառի լիցենզավորված անձանց միջև կնքված այն պայմանագիրը՝

1) երբ կողմերից մեկը հանդես է գալիս որպես սպառող,

2) որն ուղղակիորեն չի առնչվում մատակարարման գործընթացին:

5. Հանձնաժողովը պայմանագիրը գրանցում կամ մերժում է այն մուտքագրվելու օրվանից 10 աշխատանքային օրվա ընթացքում: Փոքր հիդրոէլեկտրակայանների և էներգիայի վերականգնվող այլ աղբյուրների կիրառմամբ գործող կայանների և էներգետիկայի բնագավառում լիցենզավորված այլ անձանց միջև կնքված պայմանագրերը գրանցվում կամ մերժվում են հանձնաժողովում մուտքագրվելու օրվանից 5 աշխատանքային օրվա ընթացքում:

2. ՊԱՅՄԱՆԱԳՐԻ ԳՐԱՆՑՈՒՄԸ ԿԱՄ ՄԵՐԺՈՒՄԸ

6. Լիցենզավորված անձը պայմանագրի գրանցման մասին գրությունը և կնքված պայմանագիրը առնվազն երեք օրինակից, իսկ էլեկտրական էներգիայի կամ բնական գազի ներկրման կամ արտահանման պայմանագիրը առնվազն երկու օրինակից ներկայացնում է հանձնաժողով:

7. Պայմանագիրը փորձաքննություն է անցնում հանձնաժողովի՝ պայմանագրի գրանցման համար պատասխանատու ստորաբաժանումում և այլ շահագրգիռ ստորաբաժանումներում:

8. Փորձաքննության ընթացքում ստուգվում է պայմանագրի համապատասխանությունը՝

1) հանձնաժողովի կողմից հաստատված պայմանագրի օրինակելի ձևին կամ պարտադիր պայմաններին,

2) «Էներգետիկայի մասին» Հայաստանի Հանրապետության օրենքին, լիցենզավորված անձի գործունեության լիցենզիայի պայմաններին և հանձնաժողովի կողմից ընդունված այլ իրավական ակտերին:

9. Պայմանագրի գրանցումը կարող է մերժվել, եթե այն չի համապատասխանում սույն կարգի 8-րդ կետում նշված իրավական ակտերի պայմաններին:

10. Մերժման դեպքում պայմանագրի մեկ օրինակը պահվում է հանձնաժողովում: Պայմանագրի մնացած օրինակները գրությամբ վերադարձվում են պայմանագիրը ներկայացրած լիցենզավորված անձին: Գրության մեջ նշվում են մերժման պատճառները:

11. Գրանցումը մերժելուց հետո լրամշակված պայմանագիրը լիցենզավորված անձի կողմից կարող է կրկին ներկայացվել հանձնաժողովի գրանցմանը:

12. Պայմանագիրը գրանցվում է պայմանագրի գրանցման համար պատասխանատու ստորաբաժանումում՝ այդ նպատակով վարվող առանձին մատյանում, որտեղ նշվում են՝

- 1) գրանցման հերթական համարը,
- 2) պայմանագրային կողմերի անվանումները,
- 3) պայմանագրի համարը,

4) պայմանագիրը ստորագրած անձանց անունները, ազգանունները,

5) պայմանագրի գրանցման համարը,

6) պայմանագրի գրանցման ամսաթիվը,

7) պայմանագրի գործողության ժամկետը,

8) գրանցում կատարող պատասխանատու անձի անունը, ազգանունը և ստորագրությունը:

13. Պայմանագրի բոլոր օրինակների վերջին էջի վրա պարտադիր կատարվում է գրանցման մասին հանձնաժողովի նշումը՝ համաձայն կից ներկայացված ձևի (հավելված):

14. Գրանցված պայմանագրի մեկ օրինակը հանձնաժողովի այլ շահագրգիռ ստորաբաժանումների ղեկավարների նշագրումներով պահվում է պայմանագրի գրանցման համար պատասխանատու ստորաբաժանումում:

Հավելված
Հայաստանի Հանրապետության հանրային
ծառայությունները կարգավորող հանձնաժողովի
2013 թվականի հուլիսի – ի N^թ–Ն որոշմամբ
հաստատված կարգի

Ձև

Հայաստանի Հանրապետության հանրային

ծառայությունները կարգավորող հանձնաժողով

Գրանցված է «_____» _____20_ թվական

Գրանցման N _____

Պատասխանատու _____

(ստորագրությունը) (անունը, ազգանունը)

Կ.Տ.